

tri pesme

JUTRO TREBA PUSTITI U ŠETNJU

*Nije potreba nikakva bolest
Samo jutro treba pustiti u šetnju*

*Sakriti se iza ugla
Brojiti nalete smijeha*

*Tomu dodati zujanje muha
I na listu sunca
Skuhati
I
Poklopac dignuti*

*Zovnuti potom
Dva tri filozofa
I izgubiti se
Do drugog svitanja*

NEMOC

*U glavi lebdi kuća
Drvo stoljetno
I omča
Maloljetna
Kriolo goluba
Povrh sunca*

*Sunca ogromnog
Liutitog
U jari
I osvjeti*

*Premjesti kuću
Drvo presadi
Omčom sjevera
Kriolo preplasi*

Sunce će otići

*I onako ne može sve
U jednu sjenku stati*

ZEMLJA OPET

*Dopusti da drvo izraste
Iz sluha iz vida*

*Propusti smisao kroz iglene uši
Razastri šator na uvelom listu
Izgradi kulu od željene moći
Obnovi smetnje
I skači skači skači
U pravcu sebe
U pravcu dana
S rascvjetalim smislom tajnih poligona
Gdje se vježba dug anlauz
Nečujan vrisak nevidljiva rana*

*Otpusti oči
Da čulni ured nad ponorom drijema
Ne ispuštaj ubrzane misli
Da se ne bi ti i zemlja
U zjenici svijeta
U leluju zova
Vragolasto spleti*

*Prošetaj tiho pored sebe sama
Kad ledeni drhtaj ospori ti čelo
I s prvog trna ukaže se ona
Ne zovi u pomoć
Jednostavno javi s najbliže pošte
Da te više nema*

ona

ONA

*na sred sobe
na zidu lice*

*razotkrivam zvijer prostore
čeznem pregib
cvijet*

*ožiljci riječi
put je za vama
prevara*

*ogrcem se
tragovima tvojih pogleda
iz uglova*

*strpljivo
skupljam postelju*

1. H

*unese pregršt svježine
grlo zajazi*

*stolice razmješa
oči joj zidove nadrastoše*

*jastuk me proždire
provirujem iz prikrajka*

1. A

*poznajem je
u jutarnjim izlascima
na licu pismošoše*

*kroz šum čistoga rublja
prolazi
nosi u naramku ptica
rosu za razgrabljeno grlo*

1. N

*ni u smijehu
ni u koraku
raskida ogrlice
jedno godišnje doba*

*zimzelen stasanju
u nestajanju*

*svuda je
u mimohodu gvožđa*

*grgolji
ispod kosmatih predjela
pejzaža*

*uspavljuje
budi*

1. I

*šta ti zrije
iza čeonke kosti*

čekaš riječ

*stasale kosti
u psa litalicu
glavu ištu*